



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

II. Allocutio Ioannis papae, & responsio episcoporum de Lantberto & Adalberto, qui Romae fuerant excommunicati.

urn:nbn:de:hbz:466:1-15967

libellum obtulit reclamationis super Isaac de villa Vende-
reuenfi, suamque dicebat eum obtinere parœciam. Theo-
dericus Vefontionis item obtulit libellum super suffraga-
neos suos, qui synodice vocati audientiam præbere hæc-
tenus noluerunt. Item lecta sunt capitula canonica prohi-
bentia ne episcopi audeant migrare de minori ad maiorem
ecclesiam.

II.

ALLOCVTIO IOANNIS PAPÆ AD SYNODVM
de Lantberti & Adalberti, aliorumque sequacium
excommunicatione.

CARISSIMI, condolete mihi, & sedi apostolicæ, quæ
caput & magistra est omnium ecclesiarum Dei, quæ
& vos religioso vtero genuit, reges terræ & omnes popu-
li, principes & omnes iudices terræ, sacrique confratres
& confacerdotes Dei, venerabiles ecclesiarum Christi an-
tistites, & totius sacri ordinis viri, & mecum tantas in-
iurias ecclesiæ sancti Petri apostolorum principis, cæle-
stisque regni clauigeri, cui ligandi & soluendi data est a
Deo potestas, simul flentes requirite, tantaque inuasio-
nes atque contumelias ciuitati Romanæ illatas cum in-
genti dolore lugete, & mecum, qui curam & sollicitudi-
nem omnium vestrum habeo, & secundum Domini vo-
cem, quoties causa exegerit, conuersus vos in omnibus
bonis debeo confirmare, ac necessariæ consolationis opem
conferre, viriliter stare, quærentes simul & iudicantes tan-
tæ patratores iniquitatis, tantæque temeritatis præsum-
ptores, vt digna ultione temporaliter puniti, spiritu salui
sint in die Domini nostri Iesu Christi. quoniam eos prædi-
ctos Lantbertum & Adalbertum, sequacesque eorum, pro
quibus tantis sceleribus, tantisque periuriis patefactis, in
ecclesia beati Petri apostoli, vna cum coepiscopis & con-
fratribus nostris Italicis, excommunicauimus, & quia in
his perseverauerunt, Christianæ communionis immunes
esse decreuimus. Quodque decretum in prædicta beati
Petri ecclesia scriptum, vt ingredientes & exeuntes legant
& doleant, eosque anathematizatos teneant, posuimus.
Et vos, fratres carissimi, vt decreuimus, nostræ commu-
nionis alienos tenete, & anathematizatos fautores eorum
mecum facientes consternite.

RESPONSIO EPISCOPORVM QVI AFFVERVNT
apud Trecaſ, de excommunicatis, quos dominus papa
Joannes apoſtolicus excommunicavit.

DOMINE ſanctiſſime & reuerendiſſime pater patrum, Ioannes catholicae atque apoſtolicae eccleſiae videlicet Romanae primae ſedis papa, nos famuli ac diſcipuli veſtrae auctoritatis, Galliarum & Belgicarum epiſcopi, hiſ quae ſuper vulnera dolorum veſtrorum maligni homines ac miniſtri diaboli addentes, in ſanctam matrem noſtram ac magiſtram omnium eccleſiarum commiſerunt, compatimur, & dolori veſtro conſentes condolemus, atque iudicium veſtrae auctoritatis, quod priuilegio beati Petri & ſedis apoſtolicae in eos, & complices eorum, iuxta ſacros Canones Spiritu Dei conditos, & totius mundi reuerentia conſecratos, & ſecundum eiufdem Romanae ſedis pontificum deceſſorum veſtrorum decreta protuliſtis, voto, voce, & vnanimitate noſtra, atque auctoritate ſancti Spiritus cuius gratia in epiſcopali ordine ſumus conſecrati, gladio ſpiritus, quod eſt verbum Dei, eos interimentes perſequimur. Scilicet quos excommunicatiſtis excommunicatos tenemus, quos ab eccleſia abieciſtis abiicimus, quos anathematizaſtis anathematizatos eſſe iudicamus, & quos regulariter ſatiſfacientes veſtra auctoritas & apoſtolica ſedes receperit recipiemus. Sed vt in ſacra hiſtoria de plaga Aegyptiaca digne a Deo illata legimus, quia non erat domus in qua non iaceret mortuus, & non erat qui alium conſolaretur, quoniam in domo ſua vnusquique quod lugeret habebat, nos quoque in noſtris eccleſiis lugenda lugemus. Et ideo veſtra auctoritate nobis ſubueniri cum omni mentis humilitate depoſcimus, petentes vt promulgetis capitulum veſtrae auctoritatis, qualiter nos erga eccleſiarum noſtrarum peruaſores agere debeamus: vt cenſura apoſtolicae ſedis muniti, robuſtiores & promptiores deinceps, Domino opem ferente, contra peruerſos eccleſiaſticarum rerum ac facultatum raptoreſ ac vaſtatoreſ, ſacrique miniſterii epiſcopaliſ contemptoreſ, nos ſucceſſoreſque noſtri perſiſtere concordi ſententia valeamus: vt iuxta egregii praedicatoris vocem, & veſtrae auctoritatis pro-

Exod. 12.

ANNO
CHRISTI
878. mulgationem, traditi satanae spiritu salui fiant in die Do-
mini nostri Iesu Christi.

III.

EXCOMMVNICATIO IOANNIS APOSTOLICI,
& ceterorum episcoporum qui affuerunt apud Trecaſ, de peruaſoribus rerum eccleſiaſticarum.

DE peruaſoribus quippe rerum eccleſiaſticarum, quos ſacri Canones, Spiritu Dei conditi, & totius mundi reuerentia conſecrati, & decreta pontificum ſedis apoſtolice, ſub anathemate uſque ad regularem ſatiſfactionem eſſe debere conſtituerunt, ſed & de raptoribus, quos Apoſtolus Chriſto in ſe ſe loquente, regnum Dei non poſſidere teſtatur, & cum huiuſmodi omni veraciter Chriſtiano nec cibum ſumere præcipit, quamdiu in ipſo crimine permanent, per virtutem Chriſti, & iudicio Spirituſ ſancti decernimus, ut ſi ante proximas Kalendas Nouembris eaſdem res, quas quique uſurpatores iniuſte peruaſerunt, eccleſiis ſuis regulariter ſatiſfacientes non reſtituerint, a communionem corporis & ſanguinis Chriſti, uſque ad reſtitationem rerum eccleſiaſticarum & ſatiſfactionem, alieni habeantur, & ſacri episcopalis miniſterii excommunicationis eccleſiaſticae contemptores, ſecundum euangelicam & apoſtolicam auctoritatem, ab episcopis quorum intereſt commoniti, ſi regulariter ſatiſfacientes non reſipuerint, anathematis vinculo innodati uſque ad ſatiſfactionem permaneant. Et ſi in ipſa pertinacia permanentes obierint, nemo corpora illorum cum hymnis & pſalmis ſepeliat, nec memoria illorum ad ſacrum altare inter fideles mortuos habeatur, docente apoſtolo & euangelista Ioanne: *Eſt peccatum ad mortem: pro illo non dico ut quis roget.* Peccatum enim ad mortem eſt perfeuerantia in peccato uſque ad mortem. Et ſacri antiquorum patrum Canones, de his qui ſibi mortem uoluntarie inferunt, & qui pro ſuis ſceleribus puniuntur, ſancto inſpirante Spiritu decreuerunt, ut cum hymnis & pſalmis eorum corpora non deferantur ad ſepulturam. Quorum decreta ſequentes, ea quæ præmiſimus de peruaſoribus & raptoribus rerum & facultatum eccleſiaſticarum, ſi non reſipuerint,